

## Paerewa Paetae

<b>Aronga</b>	Hangarau 3.2		
<b>Ingoa</b>	Te tātari i ngā whakataunga matatika e hāngai ana ki ngā mahi hangarau		
<b>Kaupae</b>	3	<b>Whiwhinga</b>	5
		<b>Aromatawai</b>	Ā-roto
<b>Marau akoranga</b>	Te Marautanga o Aotearoa		
<b>Kokonga akoranga</b>	Hangarau		
<b>Mana rēhita</b>	Kua rēhitatia	<b>Te rā i mana ai</b>	17 Whiringa-ā-rangi 2016
<b>Te rā e arotakengia ai</b>	31 Hakihea 2020	<b>Te rā i puta ai</b>	17 Whiringa-ā-rangi 2016

### Te Hononga ki te Marautanga

I ahu mai tēnei paerewa paetae i te Taumata 8 o *Te Marautanga o Aotearoa*, i whakaputaina e Te Pou Taki Kōrero i te tau 2008.

### Whāinga Paetae

*Ngā Āhukatanga o te Hangarau*

- 1 *Ka taukumekume i te pāpātanga o te otinga hangarau ki:*
- *ngā uara, ngā whakapono, me ngā waiaro;*
  - *ngā matatika o te tangata;*
  - *te ao tōrangapū;*
  - *te toitūtanga;*
  - *te taha ohaoha.*

E hono ana ki te Papa Whakaako mō te Hangarau kei te pae tukutuku nei:

<http://tmoa.tki.org.nz/Te-Marautanga-o-Aotearoa-Taumata-Matauranga-a-Motu-Ka-Taea>

### Te Hononga ki ngā Tikanga Aromatawai

Arā ngā Tikanga Aromatawai mō tēnei paerewa paetae, kei te:

<http://tmoa.tki.org.nz/Te-Marautanga-o-Aotearoa-Taumata-Matauranga-a-Motu-Ka-Taea>

**Paearu Paetae**

<p><b>Paetae</b> Te tātari i ngā whakataunga matatika e hāngai ana ki ngā mahi hangarau.</p>	<p>He tohu i te paetae:</p> <ul style="list-style-type: none"> <li>• Ka matapaki i ngā whakataunga matatika e hāngai ana ki te mahi hangarau.</li> <li>• Ka whakamārama i ngā hua o ngā whakataunga matatika ki te mahi hangarau, ā, ka taunaki ai.</li> </ul>
<p><b>Kaiaka</b> He kaiaka te tātari i ngā whakataunga matatika e hāngai ana ki ngā mahi hangarau.</p>	<p>Hei tohu i te kaiaka:</p> <ul style="list-style-type: none"> <li>• Ka whakamārama i ngā whakataunga matatika e hāngai ana ki te mahi hangarau, ka āta taunaki ai.</li> <li>• Ka whakatau whakaaro mātau tonu mō te hua o ngā whakataunga matatika ki ngā mahi hangarau, ka āta taunaki ai.</li> </ul>
<p><b>Kairangi</b> He kairangi te tātari i ngā whakataunga matatika e hāngai ana ki ngā mahi hangarau.</p>	<p>Hei tohu i te kairangi:</p> <ul style="list-style-type: none"> <li>• Ka tino mātau te whakatau whakaaro mō ngā hua whānui o ngā whakataunga matatika ki ngā mahi hangarau.</li> <li>• Ka whakaputa whakaaro e kaha atu ai te taha matatika o te mahi hangarau, ā, ka āta taunaki ai.</li> </ul>

**Kōrero Āpiti**

1 E whai ake nei ngā whakamārama o ngā tino kupu, kīanga rānei:

whakataunga matatika	Te āta whakaaro ki te tika me te hē e ai ki ngā uara me ngā whakapono o ngā tāngata e pāngia ana e te mahi hangarau.
ngā mahi hangarau	Kei roto anō i tēnei ngā mahi rangahau, ngā rawa me ngā rauemi, ngā taputapu me ngā tukanga mahi hangarau.
ka taunaki ai	Me rapu ngā kōrero tautoko i te horopaki e tika ana, e whai mana ana hoki ki te rōpū e kōrerotia ana, inā rā ngā kōrero e pā ana ki ngā whakapono me ngā mātāpono o taua rōpū.
ka āta taunaki ai	Ka whakamahi i ngā kōrero tautoko whānui hei taunaki i te whakatau whakaaro. Hei taura, ko: <ul style="list-style-type: none"> <li>• te uiui tāngata</li> <li>• ngā tuhinga hītori</li> <li>• ngā pūrongo moheni, nūpepa rānei</li> <li>• ngā raraunga</li> <li>• ngā waiata tawhito.</li> </ul>
ngā hua whānui	Ngā hua ka whakaarohia, engari kāore tonu i āta kōrerotia. Tēnā pea he hua taiao, hua pāpori, hua ohaoha, hua hītori, hua matawhenua, hua tōrangapū, hua whaiaro rānei.

ka tino mātau te whakatau whakaaro	He āta tuitui kōrero i runga i te aronga hou, i te aronga auaha, he tūhura i ngā pānga rehurehu, he whakamahi i ngā pūkenga whakaaro ikeike pērā i te whakahiato whakaaro hei tātari i ngā whakataunga matatika e hāngai ana ki ngā mahi hangarau.
ngā matatika	<p>Ko ngā āhuetanga pēnei i:</p> <ul style="list-style-type: none"> <li>• te whakatairite i ngā hua me ngā kino o roto, otirā, te tika, te hē rānei i runga anō i ngā uara me ngā mātāpono o ētahi rōpū, ahakoa he aha nei ngā mea e paihere nei i taua rōpū, pērā i te rōpū ā-iwi, te rōpū whakapono, a wai ake, a wai ake.</li> <li>• ngā pānga ki te whenua, ki te iwi/hapori, otirā, ki te ohaoha</li> <li>• te mana o te tangata ki te whiriwhiri, ki te whakatau, ki te whakaawe i ngā āhuetanga o te kaupapa hangarau.</li> </ul>

Kuputaka:

whakataunga matatika

ethical considerations

### Tātari Kounga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233